

Kev Kuaj Pom Muaj Mob:

Kev Ceeb Toom Txog Yam Kuaj Pom Ntawm Qhov Kev Kuaj Xyuas Qauv Ntshav



Cytomegalovirus (CMV) Detected, Family Fact Sheet—Hmong

Kuaj Pom Kab Mob Cytomegalovirus (CMV)

Pom muaj dab tsi saum qhov kev kuaj xyuas menyuam mos?

Cov qauv ntshav uas muab los ntawm koj tus menyuam thaum yug tau los muaj tus kab mob uas hu ua cytomegalovirus (cytomegalovirus, CMV).

Qhov no txhais tau li cas?

Thaum muaj ib tug menyuam twg yug los nrog CMV, nws hu ua CMV raws roj ntsha (congenital CMV, cCMV). Tus kab mob CMV raws roj ntsha yog ib tug mob tshwm sim thaum yug tau tus menyuam los. Cov menyuam uas muaj tus kab mob cCMV tej zaum yuav muaj cov yam ntxwv mob txij thaum yug los, tsim muaj cov yam ntxwv mob thaum yau, lossis yeej ib txwm tsis muaj cov yam ntxwv mob los ntawm cCMV li.

Koj tus menyuam qhov kev kuaj pom ntawm kev kuaj xyuas tsis tau txhais hais tias koj tus menyuam muaj kab mob cCMV, tab sis yuav tsum tau kuaj ntxiv kom paub tseeb.

Yuav muaj dab tsi tshwm sim txuas ntxiv mus?

Koj tus menyuam tus kws kho mob yuav kuaj xyuas seb puas muaj tus kab mob no nyob rau hauv koj tus menyuam cov zis thiab. **Txhawm rau ua kom tau txais cov kev kuaj pom uas muaj tseeb, yuav tsum ua qhov kev kuaj no ua ntej koj tus menyuam yuav muaj hnuv nyoog 21 hnuv.**

Yog tias tsis pom muaj CMV hauv koj tus menyuam cov zis, ces tsis tas yuav muaj kev kuaj dab tsi ntxiv lawm.

Yog tias pom muaj CMV hauv koj tus menyuam cov zis, ces nws txhais tau hais tias koj tus menyuam muaj tus kab mob CMV thiab xav kom muaj kev kuaj ntxiv txhawm kom nrhiav tau cov teeb meem kev noj qab haus huv uas tshwm sim los ntawm cCMV:

- Kev nqus ntshav
- Kev kuaj txog kev hnouv lus los ntawm tus kws kho mob menyuam yaus
- Kev kuaj qhov muag los ntawm tus kws kho qhov muag
- Kuaj ultrasound rau lub taub hau

Tej zaum kuj tseem yuav hais kom koj mus ntsib tus kws kho mob tshwj xeeb sab kab mob sib kis (infectious disease, ID) menyuam yaus.

Cov teeb meem kev noj qab haus huv dab tsi thiaj muaj kev cuam tshuam nrog tus kab mob cCMV?

Qee tus menyuam mos uas muaj kab mob cCMV yuav muaj cov yam ntxwv mob thaum yug los lawm, xws li:

- Lub taub hau me heev
- Lub cev me dua qhov xav tseg raws hnuv nyoog
- Ua pob khaus rau tawv nqaij
- Tawv nqaij daj thiab qhov muag dawb
- Cov nqaij tsis muaj zog

Qee tus menyuam mos (muaj txog 20%) uas muaj kab mob cCMV yuav tsis hnouv lus tas lub neej. Tej zaum qhov tsis hnouv lus yeej muaj thaum yug los lawm lossis mam tshwm sim tom qab thaum tseem yau. Vim li no, nws yog ib qho tseem ceeb uas yuav tsum muaj kev kuaj qhov hnouv lus yam xwm yeem, txawm tias tsis muaj lwm cov yam ntxwv mob tshwm sim thaum yug tau los xij.

Feem ntaw ntawm cov menyuam mos uas muaj kab mob cCMV yug los yeej tsis muaj cov yam ntxwv mob ntawm tus kab mob li thiab tsis xav tias yuav muaj cov yam ntxwv mob li.

Kev kuaj xyuas menyuam mos tsis tuaj yeem kws yees tau hais tias seb tus menyuam puas yuav muaj cov yam ntxwv mob los tsis muaj li, uas yog qhov uas vim li cas qhov kev kuaj ntxiv thiaj li yog qhov tseem ceeb rau cov menyuam uas muaj kab mob cCMV.

Cov kev xaiv ntawm kev kho mob yog muaj dab tsi?

Txawm hais tias cCMV yog yam tsis tuaj yeem kho kom zoo tau, los yeej kho tau qee cov yam ntxwv mob. Cov kev kho mob uas muaj feem muaj xws li:

- Lus piav tes, cov khoom siv pab ua kom hnouv lus, hlab ntsha pob ntseg cuav rau cov menyuam uas tsis hnouv lus
- Cov tshuaj tiv thaiv kab mob, yog tias tau txais kev pom zoo los ntawm tus kws kho mob tshwj xeeb ID menyuam yaus

Cov menyuam uas muaj kab mob cCMV yuav tsum mus ntsib lawv tus kws kho mob ib txwm thiab lwm tus kws kho mob (raws qhov tsim nyog) raws li cov yam ntxwv mob uas tshwm sim.

Chaw Pab Kho Mob CMV
Hauv Teb Chaws
www.nationalcmv.org

Cov Kev Pab Txhawb
Cov Chaw Tswj thiab Tiv Thaiv Kab Mob:
www.cdc.gov/cm/cv/congenital-infection.html

Tus Me Nyuam Mos Qhov
Kev Kuaj Thawj Zaug:
www.babysfirsttest.org